



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

28 JUN 2022 (SELASA)



KEMENTERIAN PERDAGANGAN DALAM NEGERI
DAN HAL EHRAH PENGUNA

KERATAN AKHBAR DAN MEDIA ONLINE (KPDNHEP)

28 JUN 2022 (SELASA)



Minyak masak paket 1kg habis

Pasar raya hadkan pembelian elak bekalan terputus

Oleh Gracella Ajos, Azhar Shahrulnizam, Asrol Awang dan Zuhainy Zulkiffli
bhnews@bh.com.my

Kuala Lumpur: Rata-rata pasar raya sekitar ibu negara dilihat kehabisan bekalan minyak masak paket satu kilogram (kg), selain kekurangan stok minyak masak botol bagi isipadu 5kg.

Tinjauan *BH* di beberapa pasar raya semalam mendapati tidak banyak minyak masak botol 5kg diletakkan di rak jualan, manakala minyak masak paket 1kg pula habis dijual.

Seorang pekerja di sebuah pasar raya mengakui, bekalan minyak masak memang berkurangan kebelakangan ini dan pembekal juga belum menghantar stok baharu.

"Setiap kali bekalan baharu sampai, memang cepat habis, jadi yang tinggal sekarang hanya minyak masak yang ada di rak," katanya yang enggan namanya disiarkan.

Pelanggan sebuah pasar raya, Jasmine Chang, 50, juga mengakui barangan keperluan asas itu, sama ada minyak masak botol mahupun paket, memang sering kehabisan stok akhir-akhir ini.

"Saya biasanya beli minyak

masak botol jenama Buruh isipadu 5kg, tapi hari ini (semalam), saya dapati jenama itu sudah habis stok di pasar raya yang biasa saya pergi. Jadi, terpaksa ke kedai runcit atau pasar raya lain," katanya.

Pekerja swasta yang hanya mahu dikenali sebagai Mahawi, 60, berkata rata-rata pasar raya memang mengalami kekurangan minyak masak akhir-akhir ini dan ia turut memberi kesan kepada peniaga kuih-muih.

"Baru-baru ini saya ingin beli karpap di sebuah gerai yang saya biasa pergi, tetapi peniaga maklumkan kuih itu tidak dijual kerana tiada minyak masak," katanya.

Tinjauan semalam juga mendapati rata-rata pasar raya menghadkan pembelian minyak masak botol kepada dua botol setiap keluarga, namun harga termasuk minyak masak bersubsidi masih pada kadar semasa.

Di **Kuantan**, tinjauan di beberapa pasar raya mendapati pembelian minyak masak paket dihadkan tiga paket setiap keluarga, dipercayai untuk memastikan bekalan tidak terputus.

Suri rumah, Karimah Mohd Ghazali, 54, bimbang pemansuhan subsidi minyak masak botol mulai Jumaat ini akan turut memberi kesan kepada bekalan minyak masak paket.

Sehubungan itu, beliau berharap kerajaan melalui Kementerian Perdagangan Dalam Negeri dan Hal Ehwal Pengguna (KPDNHEP) memantau dan memastikan bekalan minyak masak paket tidak terputus.



Pasar raya menghadkan pembelian minyak masak botol kepada pengguna di Kuala Lumpur, semalam.
(Foto Eizairi Shamsudin/BH)

Jamaluddin Kassim, 65, juga berharap bekalan minyak masak paket sentiasa dipastikan berada di pasaran kerana permintaan terhadap keperluan asas itu dijangka naik mendadak selepas pemansuhan subsidi berkuat kuasa Jumaat ini.

Terdahulu kelmarin, KPDNHEP memaklumkan sebanyak 14 aduan minyak masak bersubsidi disorok diterima kementerian itu dalam tempoh Januari hingga Jumaat lalu.

"Kerajaan sudah ambil langkah untuk pastikan tiada pemborongan minyak masak paket

1kg dengan mencetak 'Untuk kegunaan isi rumah' pada pembungkusannya. Peruncit pula diarahkan untuk kawal kuantiti jualan minyak masak bersubsidi kepada pelanggan mengikut Akta Kawalan Bekalan 1961.

"Semua peruncit dan peniaga hanya dibenarkan menjual tiga paket minyak masak paket 1kg kepada setiap pelanggan untuk mengelakkan pihak tertentu ambil kesempatan. Pemantauan dan penguatkuasaan juga akan dijalankan secara berterusan," katanya kepada *BH*.

Bagi memastikan bekalan mi-

nyak masak paket 1kg mencukupi, KPDNHEP menjelaskan, 60,000 tan minyak masak bersubsidi diedarkan setiap bulan, iaitu lebih daripada keperluan semasa ketika ini, iaitu 55,000 tan sebulan.

"Ini bermakna setiap rakyat diperuntukkan kira-kira 1.8kg minyak masak paket bersubsidi sebulan. Namun, kerajaan sedar kekangan di peringkat peruncit seperti salz stor dan pengantaran bekalan yang tidak menepati masa menyebabkan rak-rak minyak masak bersubsidi menjadi kosong," katanya.

Di **Georgetown**, Timbalan Pengarah Penguat Kuasa (Operasi) KPDNHEP Pulau Pinang, Shamsul Nizam Khalil, berkata sebanyak 13 aduan aktiviti sorok barang kawalan diterima pihaknya dalam tempoh Januari hingga 22 Jun lalu.

"Kami juga buat pemantauan harga dan bekalan ayam, telur serta minyak masak botol di ladang, pemborong dan peruncit sekitar Pulau Pinang semalam (kelmarin). Hasil pemeriksaan mendapati bekalan barang kawalan mencukupi, mudah diperolehi dan tiada kegiatan sorok dikesan," katanya.

Katanya, penguat kuasa KPDNHEP turut menjalankan pemeriksaan harian di setiap peringkat rantaian bekalan di bawah Op Antisorok dan Op Ayam, Telur dan Minyak Masak (Op ATM) bagi memastikan bekalan stabil dan membanteras kegiatan sorok barang kawalan serta keperluan harian.

Senarai Harga Barang Keperluan	
• Ayam	RM7.99
• Daging Lembu Tempatan	RM42.99
• Daging Lembu Import	RM28
• Telur Gred A	RM12.45
• Ikan Kembung	RM10
• Minyak Masak	RM6.50
• Gula Pasir	RM2.85
• Bawang Besar Holland	RM2.50
• Bawang Putih	RM5
• Cili Merah	RM5.99
• Kubis Tempatan	RM3.20
• Tepung Gandum	RM2.30

*Harga (RM/kg) Sumber: KPDN-HEP